

Նրանք: Ծխի ներկայութիւնը միայն, որ երբեմն դուրս է հոսում նրանց շրթունքների միջից, ցոյց է տալիս, որ այդ թմրած, անշարժ էակները արթուն են: Դրանք վաղ-առաւօտեան, իրանց տներից դուրս եկածին պէս, իսկոյն դիմում են սրճատունը. այստեղ լրացում, այստեղ սանդղում, այստեղ կատարում են իրանց առաւօտեան աղօթքը եւ այստեղ դուրս են բերում իրանց նախորդ օրոյայ «խումարութիւնից»: Սրճատան սպասաւորները ծանօթ են նրանց իւրաքանչիւրի սովորութիւններին, եւ մեծ պատրաստակամութեամբ կատարում են նրանց բոլոր քմահաճութիւնները: Ամբողջ օրը, իրանց տեղում անշարժ նստած, այդ ողորմելի մարդիկը գրգռում են իրանց ուղեղը դառն ղահոնով, թամբաբոյի ծովսով եւ ափիոնի փոքրիկ դեղահատներով: Այդ մարդիկը ապուշի դէմք ունեն, ապակու նման սառն եւ անշարժ աչքեր եւ դողդոջուն ձեռքեր:

Հէնց նոյն ապուշների մօտ Աւետարանի լոյսը ծաւալող միսիոնարի գործակալը բաց է արել Աստուածաշունչը եւ զբաղուած է կրօնական վիճաբանութիւններով: Մի քանի հարցասէրներ շրջապատել են նրան, լսում են, վիճում են եւ հայհոյում են:

Իսկ իմ ուշադրութիւնը գրաւեցին երեք հոգի, որ հեռու նստած էին մի բոլորակ սեղանի շուրջը, որի վրայ դրած էր մի շիշ օղի: Նրանցից մէկը միջահասակ երիտասարդ էր եւ իր հագուստի ձեւերով անելի նման էր Մուսուլի կամ Բաղդադի կողմերի հայերին: Նա փաթաթուած էր սեւ եւ սպիտակ զուլեթով երկար աբայի (վերարկոյի) մէջ, որի նմանը կրում են հիջաբի ուխտաւորները: Գլխի արաբական ապարօշը իր ծոպաւոր վերջաւորութիւններով ծածկում էր նրա ուսերը, իսկ ճակատը, յօնքերը եւ մինչեւ անգամ աչքերը հազիւ էին երեւում մետաքսեայ գոյնզգոյն փաթոթի տակից, որը կապել էր իր գլխին: Ես իսկոյն մտածեցի, թէ դա այն մուսուլցի վաճառականը պէտք է լինէր, որի հետ տեսնուելու համար եկած էր Ասլանը: Իսկ մուսուլցու երկու խօսակիցները ինձ անելի օտարոտի մարդիկ էին երեւում. այդ ցոյց էր տալիս նրանց հնամաշ կիսաեւրոպական եւ կիսաասիական հագուստը, որ սաստիկ աչքի էր զարկում: Շատ հաւանական էր, որ այդ մարդիկ երկար թափառել էին այն երկրներում, որտեղ նեղ վարտիք, լայնեզրեայ գլխարկ եւ սերթունկ են հազնում, իսկ յետոյ, վերադառնալով Ասիա, եւրոպական հագուստի միայն կտորտանքներ էր մնացել նրանց վրայ:

— Ո՞վ է այն երիտասարդը, — հարցրի ես Թէոս ախպօրից, ցոյց տալով մուսուլցուն:

— Նա խօջայ Թորոսն է, մուսուլցի է, այստեղ թումաշի վաճառականութիւն է անում, — հանգամանօրէն պատասխանեց Թէոս ախպերը: